

【清】王士禎
輯

漁洋山人感舊集

下



I222.749

16

V2

014058970

【清】王士禛
輯

漁洋山人感舊集

下



上海古籍出版社

I222.749

16



北航

C1746293

圖書在版編目(CIP)數據

漁洋山人感舊集 / (清)王士禛輯. —上海: 上海古籍出版社, 2014. 3

ISBN 978-7-5325-6984-7

I. ①漁… II. ①王… III. ①詩集—中國—清代
IV. ①I222.749

中國版本圖書館 CIP 數據核字(2013)第 181818 號

漁洋山人感舊集

(全二冊)

[清]王士禛 輯

上海世紀出版股份有限公司
上海古籍出版社 出版

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.cc

上海世紀出版股份有限公司發行中心發行經銷

金壇市古籍印刷廠印刷

開本 889×1240 1/32 印張 40.375 插頁 10

2014 年 3 月第 1 版 2014 年 3 月第 1 次印刷

印數: 1—1,100

ISBN 978-7-5325-6984-7

I·2723 精裝定價: 198.00 元

如有質量問題,請與承印廠聯繫

感舊集卷八

漁洋山人選

德州盧見曾補傳

王又旦 九首

又旦字幼華號黃潛漁人陝西郃陽人順治戊

戌進士官給事中有黃潛集

漁洋詩話幼華才最高初為詩趨古淡復變而之雄

放自潛江今入為給事乃歛才就法七言古五言今體多可傳游太華羅浮詩尤為警策五言如月明飛夜鵲江靜抱嘉魚風烟盤赤壁波浪下黃牛此句亦古人所少又漢武帝秋風詞足跡騷人李嶠汾陰行能使明皇感動流涕真絕唱也予宗弟幼華有詩云東風紫燕入叢祠河上人家記漢儀古碣半淪天上水蒼松全折雨中枝依稀三燭流光夜想像千官立仗時最喜啼鶯猶未歇看花一路到汾隄亦無慙才子之目 漁洋文畧黃潛集序已亥予在京師始與幼華相見其年之官揚州諸詞人賦詩祖道推幼華詩最工幼華論詩獨能破流俗之說汎濫于唐宋諸名家上溯風騷以成一家之言故其詩每變而益上其足以行遠而傳後無疑

悲詩

涸魚不擇水、倦鳥不擇枝、懸金待千鍾、君子慮失時、仲由方仕楚、鼎食費不訾、擲箸空悵望、涕泣無乃遲、所愧爲人子、使親忍長飢、旣死厚喪具、雖華徒爾爲、世俗輕至性、永爲達人嗤、

吾懷朱百年、耐寒泣縣帛、吾希王叔治、遇社念宿昔、古人抱殷憂、何術可解釋、大運若鱗次、人事多變易、遺言豈不懷、歲月懼疎隔、含悲登隴首、悵望頭鬢白、

雜詩

迢迢百尺樓、飛甍照華棖、樓上誰家婦、皎皎理容儀、當戶不畏人、侍從照莊馗、謔笑鄰里閒、衣食少所宜、趙勝昔豪華、層榭羅四垂、一言殺美人、賓客以盛衰、妖麗雖

足矜貧賤不可欺

下太行望蘇門山懷劉比部公駉

五日历嶇嶽石子瘖我馬行行辭上黨劃然開四野叢
條暮鳥歸竹陰飛泉瀉修阪何倭遲去來行旅寡側身
眺蘇門百里見梧楸故人慕張邴棲此無知者巖壑自
北嚮客路方南下有懷不得往羽翼何當假

郝山漁招登康山

望遠得高邱幽徑入閭閻傳聞康對山此地曾遊宴
脚彈琵琶埋照自疎散往事不可追登陟興遙歎憶昔
尋遺蹤騎馬武功縣潞西野菜黃古墓碑文斷大雅久
汨沒太白露空爛廣陵逢故人攜樽俯江岸荒榛來寒

風老竹挺修幹一杯醑先生耿耿視霄漢

折梅呈汪舟次

北枝花未滋南枝花已放同株氣化殊先後難俱暢故鄉遙阻隔物候豈可量步出西郭門歲宴勞瞻望

鹽官漫興

晨出步城南城南棧棧多莓苔昔人負高調在此延望但見野木風號鳥毳毵成連何處尋爾師如何至今不知回雲烟莽濶白日凍陰風常起伯牙臺千載尚有憑弔客山徑時時騎馬來

蒼龍嶺

削壁突斷絕微徑始躋攀長虹馳遠影飛落青冥閒迅

巖兩崖起獵獵雲氣還連風若動搔我行亦孔艱天色
撲蓮花瑶草何煇爛陟危千萬慮曠望忽開顏璇宮望
不遙從此升天關

下山

下山尋舊徑沈沈臨大壑亂石忽改觀煙景紛相錯低
頭追勝蹟背面惜林薄巖迴明星掩路轉石月落

明星
峯名

石月在
東峯上

大河折東流波盪宏農郭萬古東西路世往事冥

漠名岳如可留吾欲齊龍蠖

吳

周

四首

周字後莊江南歙縣人有豐溪集

源洋文畧黃潛集
序吳周者貧士也

嘗賦杜鵑行王幼華見之與定交杵
臼閒在潛江聞吳死刻其遺詩傳之

武善集卷八

三

揚州月夜聞杜鵑

有懷不能寐，策杖臨高臺。
天宇何寥寥，江明烟樹開。
滿城歌吹歇，夜半杜鵑來。

，東吳處士賓賢

日暮暑氣徂，柴門有餘清。
遙遙沙際月，泛泛波中明。
榆柳既垂陰，藻荇亦交橫。
莎雞出岸草，振羽如欲鳴。
時移樂幽棲，多病懷友生。
倉卒岐路別，浩蕩滄洲情。
向老會面難，寸心何繇傾。
愁坐東軒下，獨夜秋泉聲。

元日

元日陰雲好，豐年卜此朝。
老儒難跪拜，茅屋幸蕭條。
今古歸雙眼，乾坤剩一瓢。
素心溪上侶，酒熟早相招。

題畫

月明浮桂棹、露氣濕洲蘋、誰和滄浪曲、蘆中時有人、

雷士俊 一首

士俊字伯籲、陝西涇陽人、僑居江都之艾陵湖、

有艾陵詩文集、

揚州府志本傳士俊幼爲諸生、後棄去、專力於經史百家、熟悉古今治亂得失之政、辨別君子

小人消長進退之幾、爲文鉅心、劇胃、旣脫橐、必琢磨再四始出、以示人、貧老負氣悲憤、得疾以卒、

。燕至草堂定巢

無處堪終老、臨湖構草堂、聊供吾偃息、亦任汝翱翔、戶外烟遮樹、窗前水滿塘、新巢須改卜、甲第有雕梁、

汪懋麟 四首

懋麟字季角、號蛟門、江南江都人、康熙丁未進

士官刑部主事有百尺梧桐閣近詩又詩文集

二十卷

漁洋詩話門人汪懋麟詩才雋異古文學王介甫游吳題寒山寺云云題顏符稹畫云昭陽顏生畫樓觀絳闌瑤房

生白雲如蠶宮人三百六丰神都似李將軍 漁洋文畧汪比部傳君詩才票姚跌蕩其師法在退之子瞻兩家而時出新意稱詩輦下與田綸霞宋牧仲曹頌嘉丁澹汝王幼華顏修來曹升六謝千仞葉井叔相唱和號十子歸田後鍵戶謝賓客晝治經夜讀史日有程課銳意著述成一家之言既得疾彌留令沈硯磨墨喚之復令烹佳茗以進自謂香沁心骨口占二絕大笑呼奇絕而逝

按蛟門有浯溪磨崖碑四十韻為漁洋所稱而趙宮贊秋谷非之是集不載淄川張明經篤慶作亦漁洋之所亟賞附錄于此莫言括地象請罷考異鄧零陵之碑大唐頒湘中名蹟良悠悠漁陽鼙鼓起阿榮天子下殿奔金牛監國中興起靈武雙懸日月歸雍州皇家再造功掩罪鑿與反正天南陬聖德神謨亦畧見物論何苦相鐫求磨崖紀勝久照耀至今絕壁垂琳球水部文章尚書字有如南嶽傳岫嶺煌煌魯公鼎彝氣大書深刻神為謀歷屢參天數千仞湘江萬古東西流吉甫作誦史籀篆力摹石鼓追成周此石要自壯南紀青崖鐵線凝懸旒我生夔屈寄溟海志在金石山之幽前年扁舟下襄漢南過荆郢真豪遊遙望瀟湘隔衡永浯溪森森矇方洲當時引領向天末足所未到生繁憂漁洋先生示此本令我神氣為夷猶字大于掌幅徑丈堂中踟躕猶盤繆對茲狂叫發長喟便似躡足登嵒邱左把道州右光祿天風汗漫湘雲秋

莊如王會輯萬玉垂紳摺珽朝羣侯雄如將軍建大旆長戈利戟森兜
鍪奇偉丈夫古冠劍乾坤大筆來神樓墨光黯黯黑雲立石氣崩剝三
蒼留東京梁鵠及皇象法書一一難爲儔下逮李北海遜此鐵畫兼銀
鈎亦粵柳誠懸河東筋骨相匹休願爲伏靈芝拂拭苔蘚重雕鏤琳琅
金雞迴在眼坐見懸崖山鬼鳴啾啾驚慶字厯友榆邨之從伯也有崑
崙山房集多漁洋手筆評點亦標其詩鄧艾廟張麗華小祠等篇于漁
洋詩
話云

闔廬墓

吳王好寶劍殉葬埋山隅發卒千萬人桐棺藏玉鳧匣
沈劍池底光怪時有無祖龍欲求劍發冢欺闔廬忽見
白虎踞徒旅皆驚趨此事終茫昧理勢豈然乎吳宮有
嬌女蒸魚命忽徂送葬舞白鶴聚觀萬民俱發機盡掩
之白骨成邱墟湛盧惡無道入楚潛去吳魚腸殺王僚
背逆良可吁磐郢送死女寶劍皆空虛誰能起歐冶此

說聞風胡古鐵亦有靈亂邦詎能居王道自無敵一劍
眞匹夫區區吳與秦所見亦何愚

放船

莽莽中宵雨蒼蒼林壑閒不成攜杖往空作放船還坐
惜千峯過行憐一水閒歸途甚蕭瑟猶欲問寒山

寒山寺

吳中池館日吹簫只有寒山寺寂寥幾樹江楓對漁火
行人歸去雨瀟瀟

登靈巖山尋館娃宮故址

吳王仗劍昔圖霸意氣咤叱凌羣雄萬夫築臺意未厭
山頭巡幸開離宮玉輦經過谷草綠翠旗搖曳巖花紅

美人此時益嬌態館娃響屨延春風俯矚太湖似明鏡
煙波遠近含輕容其陽舊有琴臺石崢嶸寒玉誰磨礱
梧宮忽秋越人祭碧窗朱戶皆塵封千年留作梵王宇
當時歌管今寒鐘湖雲吹雨佛面冷蒼鼠竄瓦瑤臺空
春女如花盡黃土殘僧牧豎來相逢怪禽一聲叫林末
客淚迸落春山中不覺憂來下山去日斜煙霧空濛濛

吳玉麟

十三首

玉麟字天石江南宜興布衣

按天石與弟天篆俱善詩餘嘗與曹南耕作疊韻詞
陳其年爲之序亟稱之又天石有都梁閣詞行世

飲酒

洞庭幾萬頃吐納日與月中爲湘君山林巒秀突兀相

傳酒數斗甘香透林樾歲星飲其妄遂逭轡巴罰我今
呼靈威遐搜徧巖窟生致善釀人飲我固齒髮歸臥包
山顛二曜觀出沒

甯生食飛魚一死二百春劉石沽中山醉埋乃百旬修
短諒難齊生死理則均今我啜其醕霜刀批素鱗便當
別邱井永矣重泉臻千秋非所懷七尺何所珍落月參
相從衆雞方向晨醒與墓木見根柢何輪囷

陽翟賈

陽翟賈釣奇貨不惜千金手翻播千金夜入穀函關孝
惠昭襄淚潛墮秦人命重禮法輕華陽奪嫡無敢爭埜
鳥銜雛丹鳳雛鳳雛零落啼無聲咸陽宮庭本無數邯

郢歌舞舊有名子爲王姬爲后食客三千前上壽昔日
殷勤奉異人何圖富貴憂及身問君何功復何親一死
不足償亡秦君不見黃郎頭戟門外仲父未稱肉已敗
猶幸秦無李園在

江上

日日江頭看潮水、無數楊花入揚子、蜀鳥一聲春欲歸、
吳蠶三眠朝未起、細腰微步太紛紜、爭畫蛾眉惱使君、
別有採桑秦氏女、自言夫壻更超羣、

沒字碑

博士弟子若蠹魚衣食俛仰山中書一朝辯論觸秦相
相驅入地長平如公家老隸跂足笑鰕生腐儒泣相弔

提榘操觚空爾爲父老聞之戒年少君不見沒字碑崔
安赫赫天成時又不見斛律書金況以屋庋狄作干如
穿錐男兒何用雕蟲爲

題畫

此地吾應識追思亦惘然邨墟閉叢薄谿壑送流泉但
見漁樵路如聞曉暮蟬何時身入畫投老此山邊

樓上梅花

春向臘前回花從春早開未經殘雪壓況藉好風催啼
鳥夜知宿酒人朝看來相逢共傾倒不惜久徘徊

贈枯樹

住此幾經歲山風吹汝寒禽心爭共語潭影靜相看寂